

manda sia riportà il dito credito a l'oficio de le Raxon nuove et posto a conto del debito suo di ducati 600 per conto di la perdita del dazio di le tre per 100 de li anni 1512 et 1514, et siano conze le scritture. Ave: 182, 15, 4. Fu presa.

Fu posto, per li Savii dil Conseio e Terraferma, atento fusse preso dil 1519 a di 26. fevrer in questo Conseio, a requisition di l'orator di la comunità di Bergamo, che fosseno extrati 15 nobeli de Pregadi et 15 di la Zonta, quali dovesseno iudicar una sententia fatta per il capitano di Bergamo contra li debitori di la comunità per la mala administration fatta di beni di quella comunità, et al presente havendo richiesto ditti oratori di Bergamo che, per meter fin, la detta sententia sia introdutta a la Quarantia nuova, perhò li sia deputà la ditta Quarantia *ut in parte*. Ave: 200, 0, 3.

Fu posto, per li Consieri, Cai di XL et Savii, che a Cristoforo de Lurano et Alvixe di Croti, daziari di la mercadantia di Brexa di l'anno 1529, atento li danni per le zente alemane patidi, che li ditti habbino exborsà fra zorni 15 lire 2276, dil resto, ch'è lire 6597, li sia fato restauro di lire 3000, et il resto pagi fra zorni 15, et non pagando non li vaglii el ditto restauro. Ave: 172, 13, 17. Fu presa.

75 Da poi sier Carlo Capello, vene orator di Fiorenza, intrò dentro et andò in renga, et fece la sua relatione di le cose di Fiorenza, narando minutamente il tutto. Et concluse, il tradimento di Malatesta Baion à fatto perder quella città, et che fiorentini non sono homini di governo, con altre parole. Laudò Vicenzo Fedel, stato suo secretario. Exortò tutti a ben viver, et

Da poi fu fato scurtinio di un Provedador a Cival di Friul con ducati 30 al mexe per spexe, iusta la parte. Il qual è questo:

Provedador a Cival di Friul.

Sier Agustin da Canal, fo podestà e provedador a Roman, qu. sier Polo	116. 94
Sier Jacomo Malipiero, fo provedador ad Axola, qu. sier Polo	147. 62
Sier Filippo Barbaro, el XL Criminal, qu. sier Zacaria	129. 87
Sier Zuan Alvise Salamon, fo podestà e capitano a Bassan, di sier Filippo	102.113
Sier Andrea Trun, el XL Criminal, di sier Daniel	90.123

Sier Tomà Gradenigo, el XL Criminal, qu. sier Anzolo	132. 82
Sier Vetor Bragadin, el XL Criminal, qu. sier Pelegrin	52.159
Sier Bortholamio Venier, el Cao di XL, di sier Lunardo	121. 92
Sier Zuan Francesco da Canal, fo podestà e capitano a Mestre, qu. sier Piero	141. 75
Sier Gabriel Valaresso, fo Cao di XL, qu. sier Francesco	108.107
Sier Lunardo Loredan, el XL Criminal, qu. sier Berti	135. 79
Sier Piero Marzello, fo di sier Zuanne, da san Gregorio	61.149
Sier Zacaria Bembo, fo provedador a Bassan, qu. sier Zuanne	67.143
Sier Domenego Minio, el Cao di XL, qu. sier Francesco	75.139
† Sier Marco Grimani, el XL Criminal, qu. sier Nicolò	150. 64
Sier Piero Querini, fo Cao di XL, qu. sier Biaxio	71.143

Et licentiato Pregadi a hore 4 di note, fo chiamà il Conseio di X con la Zonta, et stetenò fin hore 5 et meza in materia importante et con gran credenza.

A di 2, la matina. Fo *lettere da Lodi di sier 75** Gabriel Venier orator, qual fo lete con li Capi dil Conseio di X. *Nescio quid*. E li Capi stete assà in Collegio.

Morite questa matina sier Alvixe Pasqualigo procurator qu. sier Filippo. Non ha fioli, nè mai se maridoe. Era gran richo. Lassò facultà per ducati milia. Lassò molti legati: a suo fradelo sier Lorenzo, *etiam* procurator, ducati 5000 dil suo imprestado di farsi procurator che fin do anni li averà; a suo nepote, fiol fo di sier Francesco, le case de San Stefano e le possession; a uno fiol di sier Andrea fo di sier Piero dottor et cavalier, fo so fradelo, ducati 2000 quando l'averà 18 anni; a la scuola di San Zuanne ducati 200 de intrada a l'anno etc. Questo fece far una archa in chiesa di Frari minori per pompa, ma vol esser sepolto ai Anzoli de Muran, dove è suo padre e li soi. E cussi il zorno seguente fu sepolto.

Vene il Legato dil papa in Collegio, solicitando li posessi di vescoadi et altri benefici, perchè il papa li scrive imponendoli caldamente ne parli et importuni di questo. Al qual il Serenissimo li disse,